

## NACRT

Na osnovu člana 9,12,13, i 34. Zakona o upravljanju otpadom („ Službene novine Federacije Bosne i Hercegovine ,broj: 33/03), člana 24,32,44, i 45 Zakona o zaštiti okoliša Bosansko-podrinjskog kantona Goražde („ Službene novine Bosansko-podrinjskog kantona Goražde“ broj: 5/05), člana 4. stav 1. Zakona o komunalnim djelatnostima („Službeni list SR BiH“, broj 20/90) koji je preuzet kao Federalni Zakon člana 11 i 18 Statuta Općine Goražde („ Službene novine Bosansko-podrinjskog kantona Goražde, broj: 13/07“) Općinsko vijeće Općine Goražde na 19-toj redovnoj sjednici održanoj dana \_\_\_\_\_ godine, **d o n o s i:**

## **O D L U K U**

### **o pristupanju izgradnje regionalne sanitarne deponije čvrstog komunalnog otpada na lokaciji Trešnjica općina Goražde**

#### **Član 1.**

Ovom Odlukom odobrava se pristupanje izgradnje regionalne sanitarne deponije za odlaganje čvrstog komunalnog otpada na lokaciji Trešnjica općina Goražde u granicama i na zemljištu koje se utvrde Studijom o uticaju na okoliš i glavnim projektom za izgradnju iste.

#### **Član 2.**

Obavezuju se sva pravna i fizička lica koja stvaraju otpad prilikom obavljanja djelatnosti ili u domaćinstvima kao i javna preduzeća koja odvoze otpad kao i Općina Goražde da odlaganje čvrstog komunalnog otpada vrše na regionalnoj sanitarnoj deponiji iz člana 1. ove Odluke po njoj izgradnji.

#### **Član 3.**

Ovlašćuje se Načelnik općine Goražde da zaključi ugovor sa ostalim općinama Gornjedrinske regije ugovor kojim će se regulisati bliža prava i obaveze u vezi izgradnje deponije iz člana 1. ove Odluke.

#### **Član 4.**

Ova Odluka stupa na snagu osmog dana od dana objavljivanja u Službenim novinama Bosansko-podrinjskog kantona Goražde.

Broj: \_\_\_\_\_  
Datum, \_\_\_\_\_ godine

**PREDSJEDAVAJUĆA VIJEĆA**

prim.dr.Vesna Nemeć Klisura

## O b r a z l o ž e n j e

Pravni osnov za donošenje ove Odluke sadržan je odredbama člana 11. Statuta općine Goražde kojim je između ostalog propisano da općina u okviru samoupravnog djelokruga u skladu sa ustavom i zakonom ima vlastite nadležnosti između ostalog o prikupljanju i odlaganju čvrstog otpada. Iz citirane odredbe jasno se vidi da je prikupljanje i odlaganje čvrstog otpada vlastita nadležnost općine Goražde.

Isto tako članom 33. Zakona o upravljanju otpadom je propisano da se odobrenje za izgradnju deponija može izdati samo na regionalnom nivou. Prema tome Općina je obavezna da sa drugim općinama osnuje deponiju na regionalnom nivou.

Od strane Općinskog vijeća Načelnik općine Goražde je ovlašten da vrši pregovore sa ostalim općinama oko osnivanja regionalne deponije. Putem razvijene agencije „SERDA“ Sarajevo provedena je procedura odabira najpovoljnije lokacije. U izrađenoj Studiji koja je prezentovana Općinskom vijeću pokazala se najoptimalnija lokacija lokacija Trešnjica u općini Goražde.

Prema Studiju o izboru lokacije kao najpovoljnija lokacija odabrana lokacija Trešnjica na lokalitetu Goražde.

Sigurno da postoji opravdanje da Općina Goražde sa drugim općinama riješi pitanje otpada na regionalnom nivou kao zbog naprijed navedenih pravnih razloga tako i zbog finasijskih jer sigurno da budžet Općine Goražde nemože isfinasirati izgradnju sanitarne deponije.

Ističemo da su ostale općine sa Gornjedrinske regije već donijele svoje odluke o pristupanju izgradnje regionalne sanitarne deponije za Gornjedrinsku regiju.

Odlukom o ustanovljavanju privremene gradske sanitarne deponije i čvrstog komunalnog otpada za potrebe općine Goražde br. 01-02-3635 od 06.08.2008 godine utvrđena je izgradnja samo privremene gradske sanitarne deponije.

Iz naprijed navedenih razloga predlažemo usvajanje ove odluke.

RUKOVODILAC SLUŽBE

Adžem Enver dipl. Pravnik

## NACRT

Na osnovu člana 2. i 3. Zakona o javnim preduzećima u Federaciji Bosne i Hercegovine („Službene novine Federacije BiH“, broj: 8/05), člana 311. Zakona o privrednim društvima ( Službene novine F BiH br. 23/99“) člana 4. stav 1. Zakona o komunalnim djelatnostima („Službeni list SR BiH“, broj 20/90) koji je preuzet kao Federalni Zakon člana 11 i 18 alineja 17. Statuta Općine Goražde („Službene novine Bosansko-podrinjskog kantona Goražde, broj: 13/07“) Općinsko vijeće Općine Goražde na 19-toj redovnoj sjednici održanoj dana \_\_\_\_\_ godine,  **d o n o s i:**

## **O D L U K U**

### **o osnivanju Javnog preduzeća za izgradnju i upravljanje regionalnom sanitarnom deponijom čvrstog komunalnog otpada**

#### **Član 1.**

Ovom Odlukom odabira se općini Goražde da zajedno sa ostalim općinama Gornjedrinskog regiona osnuje Javno preduzeće sa ograničenom odgovornošću za izgradnju i upravljanje regionalnom sanitarnom deponijom čvrstog komunalnog otpada.

#### **Član 2.**

Javno preduzeće iz člana 1. ove Odluke osnovat će općine sa Gornjedrinskog regiona ulaganje vlastitih sredstava u osnivački ulog u skladu sa Zakonom, a u visini i omjerima kako to bude regulisano ugovorom o osnivanju istog.

#### **Član 3.**

Sjedište budućeg javnog preduzeća bit će u Goraždu.

Naziv firme bit će „ Ekoprodukt“ d.o.o Goražde.

Obaveza preduzeća je da pribavi svu potrebnu dokumentaciju za izgradnju deponije kao i da po njenoj izgradnji upravlja istom.

#### **Član 4.**

Ovlašćuje se Načelnik Općine da sa ostalim općinama iz člana 3. ove odluke zaključi ugovor o osnivanju Javnog preduzeća kao društva sa ograničenom odgovornošću za upravljanje regionalnom sanitarnom deponijom, a kojim će se ugovorom utvrditi prava i obaveze osnivača, visina osnivačkih uloga, udjela u dobiti, djelatnost društva kao i odgovornost za obaveze Javnog preduzeća.

#### **Član 5.**

Ova Odluka stupa na snagu osmog dana od dana objavljivanja u Službenim novinama Bosansko-podrinjskog kantona Goražde.

Broj: \_\_\_\_\_  
Datum, \_\_\_\_\_ godine

**PREDSJEDAVAJUĆA VIJEĆA**

prim.dr.Vesna Nemeć Klisura

## O b r a z l o ž e n j e

Pravni osnov za donošenje ove Odluke sadržan je odredbama člana 18 alineja 17. Statuta općine Goražde kojim je između ostalog propisano da općinsko Vijeće donosi odluku o isnivanju preduzeća za obaljanje djelatnosti od posebnog društvenog interesa u što spada i odlaganje čvrstog komunalnog otpada kao isključiva nadležnost općine Goražde, a što je propisano u članu 11. Statuta općine Goražde. Ovo preduzeće bi se bavilo izgradnjom i upravljanjem Regionalnom sanitarnom deponijom čvrstog komunalnog otpada koje bi se osnovalo sa drugim općinama sa Gornjedrinskog regiona.

Isto tako članom 33. Zakona o upravljanju otpadom je propisano da se odobrenje za izgradnju deponija može izdati samo na regionalnom nivou. Prema tome Općina je obavezna da sa drugim općinama osnuje deponiju na regionalnom nivou. Obzirom da bi se osnovala regionalna deponija sve općine bi morale upravljati istom preko Javnog preduzeća na regionalnom nivou u čim organima upravljanja bi bili predstavnici svih ovih općina.

Sigurno da je naefikasniji način u budućoj izgradnji ove deponije putem javnog preduzeća na regionalnom nivou, a koje bi raspolagalo finasijskim sredstvima za izgradnju ove deponije.

Smatramo da je potrebno stvoriti jedan zdrav subjekt kome bi se povjerovali ove poslovi, a koje nema već stečenih obaveza po bilo kom osnovu.

Od strane Općinskog vijeća Načelnik općine Goražde je ovlašten da vrši pregovore sa ostalim općinama oko osnivanja regionalne deponije. Putem razvijene agencije „SERDA“ Sarajevo provedena je procedura odabira najpovoljnije lokacije. U izrađenoj Studiji koja je prezentovana Općinskom vijeću pokazala se najoptimalnija lokacija lokacija Trešnjica u općini Goražde.

Prema Studiju o izboru lokacije kao najpovoljnija lokacija odabrana lokacija Trešnjica na lokalitetu Goražde.

Sigurno da postoji opravdanje da Općina Goražde sa drugim općinama riješi pitanje otpada na regionalnom nivou kao zbog naprijed navedenih pravnih razloga tako i zbog finasijskih jer sigurno da budžet Općine Goražde nemože isfinasirati izgradnju sanitarne deponije.

Ističemo da su ostale općine sa Gornjedrinske regije već donijele svoje odluke o osnivanju zajedničkog javnog preduzeća na regionalnom nivou.

Odlukom o ustanovljavanju privremene gradske sanitarne deponije i čvrstog komunalnog otpada za potrebe općine Goražde br. 01-02-3635 od 06.08.2008 godine utvrđena je izgradnja samo privremene gradske sanitarne deponije.

Iz naprijed navedenih razloga predlažemo usvajanje ove odluke.

RUKOVODILAC SLUŽBE

Adžem Enver dipl. Pravnik

